



靜軒一家言

仁 13
7
1




門仁3
號 7
卷 /



靜軒一家言

秋巖翬書



一家言者何一家之私言也私言公之者何質疑于世也庶幾大人君子發蒙不然也則亦不知量也得罪於聖人不少矣且夫前賢既逝然後學批之未會其義所在而論之者果有而古人難起恨哉雖然乎奉其學者猶其人也爾又庶幾不惜教乃雖為一家之言亦學孔子者豈言必信乎荀子所謂家言偏學如以此棄之亦棄不才也其責自有所歸

靜軒主人識



名貌也為生或為詩
已又少拙矣或為文已
學子則人矣學子少富矣
以多亦得也世亦其
人心也希有也功予讀居



士、詩曰、吾レレ而已レ、
漢、文曰、乃レ、
一、子也、身レ及レ、漢、
使、敬、曰、定、子、之、
其、友、分、益、也、
其、友、分、益、也、
其、友、分、益、也、
其、友、分、益、也、

而、天、生、
國、家、分、文、德、
致、字、子、
矣、難、知、
車、且、
也、

已矣

子序

明



靜軒一家言序

多友新軒著性命道德之

說名謂一家云夫性命道

德之說學者修身治人之

要務而高公言顯稱者也

善自思孟汲人己之意傳

會遺徑彼此相證是非互起
人非聖人誰得能知其所以
然之故守新守舊所論異我
所說既不同則世儒身以
為非者多不疑矣然而靜軒
自以為是則以世儒之所論者

為非也可知也然則程氏之言
顯稱其說人孰與之故以一
家之言存焉其在謙家也然既
自以為是則其言之為以掛
聖人乎以此備身以此治人則
欲使易天下之論以依其說

此所以不得名一家者之於受也
為是為非者在於彼非我之
所得而慮也天保丙申初夏
望書於忍城進修學館

波山外史芥川 啓



教

元和已還理學盛行自老師
宿德皆莫弗為程朱而配孔
孟也學之淳粹行之謹篤舍
虛文務實得可謂得其本然
而窮理之弊其流駸弛者猶

遠索隱遠近不切於實用者
亦不多矣於是乎伊物二字
傑出東西建幟痛詔其弊
自號古學以雄視一時後
進靡然從之不徃于物則歸
於伊學問之道自是一變矣

然而其流踈漏謂理不足窮
也但反程朱是務則其稱古
若不果古也雖然文道之行
於世極盛之子有功于世非
後學者之所能踰及焉也今
日昇平之久文教更盛

昌總衣接書非昔日可法也
然觀其所為區徒刻意於
墨尚而訓詁考證候博以誇
詩賦文章炫耀自衛至矣
行另茂如不省焉嗚呼病之
儒者一可歎豈學之道也哉

二

吾靜軒先生有慨于此乃其
講道力奉正學務求實際
不馳窮理隱微之高遠不假
考證訓詁之虛博內省修
為聖言賢行唯驗之於躬而
一言一行莫非維持聖教之

意也嘗撰一家言若干卷
天道之無極民彝之有常
其治亂也事之當否也經
義生福折衷分明蓋理初
嘗之復博而納義今乃弟子
予輩先校一卷附之於剞

剞是亦桂林之一枝繼席文
之一班身然教後生嚮心學
者或有存心未必無功于
世也

門人 秩父 松本政秀 識

中根家書



Faint vertical text, likely bleed-through from the reverse side of the page.

靜軒一家言卷之一

寺門良子温氏著

門人

越後水野恭子安

江戸市原雄飛卿

校

天

天之不測不可思議也自非聖人孰能窮焉人雖知之云其一道而已雖言之云其一德而已至其全體之用所精且密處蓋雖聖人亦或有弗易窮夫子天道之說不可得而聞者以是也所謂福善禍淫是不可思議中之可議者如其所以禍福猶有不可議者

而存焉是所以先王敬之畏之而聖人難窮難言也
子思子曰誠者天之道也此則不過欲教人誠己誠
也者天之一德非誠而盡之也其言盡之但盡天人
一體之分己天人原一也矣然既己爲人一體中自
不得不一者有之夫致和而天位理固當然矣然而
堯水有焉湯旱有焉天道之變豈不弗易窮乎哉詩
云上天之載無聲無臭此言不唯頌文德可謂亦善
形容天之不可測度之極也然如其可測度之地則
亦可謂有聲有臭可謂無矣可謂有矣不可謂有也
不可謂無也是所以天之不測不可思議而先王畏

之聖人難言者以此也爾天如可議何畏之可測何
難言然則天竟弗可得而窮乎曰聖人而或窮焉然
則我竟弗可得而窮乎曰誠者天之一德自誠明其
究或得故云誠之者人之道也然既爲聖矣既爲凡
矣得之之淺深蓋有而至其全體之用所精且密處
則我未知其能果窮得否也乃爲誠而盡者其見局
也言一德已而不誠之者其人妄也誠可思矣不可
局焉也朱子云天理而已理則理矣然其運用之妙
豈易窮焉哉敬之而已矣畏之而已矣以其不測不
可思議也或曰如然於可思議者則不畏敬乎曰何

然矣雖可思議者畏敬以存教也有焉
君子慎獨而勿自欺者以我知之即天知之天知之
即人知之天之與人我原同一氣而無二也是以愧
于屋漏者亦愧于天也亦愧于人也顯々之罪人得
而戮之冥々之罪天得而誅之天誅人戮其實一而
已是以慎獨者敬天也勿欺者畏天也世或有若爲
之而無報致之而無應天未嘗知之者矣人或疑焉
然徐而察之不於其身則必報之於其子孫應報孰
逃焉是所謂不可思議中之可議者也孟子曰莫之
爲而爲者天也莫之致而至者命也思豈有無爲而

爲無致而至者乎哉爲與至之所由并自冥々中来
而應報之遙爲與至之無迹或若有莫爲而爲莫致
而至也爾故又曰有百世子孫王者必起天其若是
可不畏而敬哉宜慎獨而已宜勿欺而已
宋儒論天言有理而有氣我伊子駁之言理者反是
氣中之條理天地之間一元氣而已譬合版作匣氣
自盈于其內而自生白醜又自生蛀蟬此自然之理
非有理而後生斯氣也愚乃謂亦安知不生氣之理
既已在於合版之初焉有匣則氣從生焉無匣則氣
亦從無矣要有斯理而生斯氣有斯氣而生斯理焉

知其前後其究不可思議也陋矣先儒前後論之

命

天道之流於物之謂命命者就物言之天命即天道也則亦可思議也亦不可思議也所謂死生有命之命是在乎有生之初而定者也所謂惟命不于常之命是隨於今日之為而動者也曰顧諟天之明命蓋兼斯二者是也今夫種一善則一福來果播一惡則一禍來稔此是動爾種之而不果播之而不稔此是定爾是或可思議者也然亦種之而播之而不果不稔也則知定原由動來而動亦由定出於是乎乃不

得不推之推之而推到于天地闕闕之初然而天地之闕闕竟歸乎無始無終則其推亦卒至於弗可推而止焉豈不可思議乎哉乃議其不可議知其不可知者聖人而得焉然言五十而知之夫聖猶侯五十而知况我九奈何輒議然又曰窮理盡性以至於命則雖我雖凡可知之理亦不無矣學以歲月或得要其未得之宜脩身俟之順受其正而動也顧之定也安之議其可議者而已姑知可知而守焉姑議可議而安焉雖未遽窮其源無害於為君子是亦已知命者也

性

人也者形於陰陽然二氣辨乎身內即性氣中有理
理外無氣此性原由天來亦不可思議也以故夫子
唯言性相近也習相遠也愚嘗謂性也者蓋人之太
極太極不可名狀也性亦不可名狀也夫太極剖而
儀生然合而儀則無而儀只一太極已然果無乎何
因得生之性亦動善惡見窮善惡無善惡亦只一性
已然果無乎何因得見之豈不亦不可思議乎哉古
人論性有為善者有為惡者善惡混云無善無惡云
要是舉向不可思議中而議其可議者也焉耳子思

子則蓋據善而議故曰率性之謂道孟子從護其善
所荀子反說其惡所揚子則言混而司馬子從詳之
程朱二子之專執善曰本然曰氣質其說極密密則
密矣詳則詳矣猶非通論也無善無惡之說蘇子王
子等依焉據善者曰繼之者善成之者性因此言之
夫子之說亦善也我將為吾乎一陰一陽謂之道陽
可以擬善陰可以擬惡則繼之者豈果善哉且孟子
亦言口之於味也目之於色也性也此荀子性惡之
說而荀所據是也我將為惡乎善惡混之說曰性者
人之所受於天以生者也善與惡必兼有之猶陰之

與陽也我將為混乎先所謂合而儀無而儀窮善惡
無善惡况且陰未可必言惡則其究將歸於無善無
惡我將為然乎太極剖而儀生性亦動善惡見安知
不剖中已存之而不動前已有之豈不可思議
也哉乃我雖未果知其原如何然仁義根諸性者則
果有而聖人以此立教則仁義之善吾但擴充之而
已矣如其全體未可必偏以善惡擬之也何也以其
由天來而不可思議也

世界者一大極也人物者一性也我雖未審其實如
何非大異之也故曰相近也若其有異習之所然習

之不已聖域可造故曰相遠也聖可造矣然我惡能
得果為堯舜孔子之聖哉所謂伯夷亦一聖也伊尹
亦一聖也一同聖中自有所不一之在焉王氏所謂
人到純乎天理方是聖金到足色方是精然聖人之
才力亦有大小不同猶金之分兩有輕重思然矣學
到至處我亦一聖也然至於其作用之所則不可移
者固有焉故曰上智與下愚不移雖有不移者其原
也者則亦一性而已如我伊物二子舍原取委皆言
性人々殊之聖非學之可造也殊不知不可造之中
猶有可造之地且伊子言天地一元氣而已其既一

氣焉不一性或云一世而小賢一世而大賢生々隔
世學焉何見難造其為難者纔以一世論之也予謂
如是言蓋佛理亦屬不可思議中之事我存之不論

道

一陰一陽者天道也生々不已者天德也人物本化
於一陰一陽生々不已之間是以聖人立人之道曰
仁義謂人之德曰仁義仁義即陰陽而生々不已者
仁是也乃不仁義則道雖道云非人之道也由是則
可行不則不可行故曰道若大路然是以仁道之行
恩被草木而合於生々之德是仁義之所以為道德

也矣

朱子曰道日用事物當行之理伊子曰人倫日用當
行之路按理則人當行之理路則人當行之路當行
之理仁義而已當行之路仁義而已仁義之外別無
有人道也子思子曰仁人也孟子曰仁人之心也所
謂率性之謂道身外無道也然而物子曰道者先王
之道聖人率人之性之自然以立道耳道屬於聖人
德屬於我吁其率此立之曷得言不屬於我率其所
有以立此教聖人之道即我人道而仁義而已矣物
又曰道統名也自孝悌仁義以至於禮樂刑政合以

名之故曰統名也思豈不孝悌至刑政亦舉日用當
行之道理歟但隨分有大小之差耳且夫孝悌也者
為仁之本其究亦仁也禮樂刑政者人間之道理亦
仁之用施之於事爾道則陽仁陰義生而得之於天
者也

德

德者得也仁義之德吾本得之於心而生焉然不學
則莫其所得之德明之於我而得猶無得也故曰大
學之道在明明德明者名於仁義之德照物不昧之
所也雖學而得之所得之德本在乎我則不學而固

自明者有聖人是也聖人生而明者也然猶學則亦
益聖亦益明夫子所以為之不厭者以是也夫人也
者小天地爾人而具斯德猶天之有日然雲生掩
光欲動蔽明乃明之道在於誠意正心然齊家治
國並出于斯德之明是以為政以德猶衆星拱北辰
也

朱子曰行道而有得於心物子駁之曰其德未成安
能行道此言是也然又曰德固不可離心而言然以
心言之焉足以為德哉鄉飲酒之義曰德也者得於
身也愚謂其得乎身者以本得之於心也言身言心

不足深辨也物又曰明德者顯德也謂其德著明衆
所皆見也朱子虛靈不昧主心學古所無也愚謂誠
意正心豈不主心學歟得之乎心故著明豈有無得
於心而獨顯於身者乎且德自有差別之在如民德
亦歸厚之德是其一也曰凶德曰薄德皆謂得惡所
但單言德則仁義之德而明德也

仁

仁人也人之心也人之所以為人之道斯之謂仁人
之所以為人之道廣矣大矣非言語所能盡也為人
君止於仁為人臣止於敬為人父止於慈為人子止

於孝曰孝曰敬并是仁之作用然言之仁而已矣故
曰孝悌也者其為仁之本與孝而子可以為子敬而
臣可以為臣子而孝便是人之所以為人而臣而敬
便是人之所以為人而慈亦然矣信亦然矣其用豈
言語所能盡乎殷有三仁焉一仁而三仁也三仁而
一仁也博施濟民者堯舜所病之仁已欲立而立人
者子貢可省之仁達而湯武施之於天下窮而夷齊
行之於身顏子之三月者心上之仁是也管仲之九
合者事上之仁是也事上之仁小器之管猶能之心
上之仁亞聖之顏亦難焉克己而天下歸仁是仁之

大所其言之誼亦仁也。狐死在首亦仁也。此則仁之
小所且。夫陳文之潔，子西之忠，槩而言之亦仁也。然
夫子不許，蓋僅仁中之一事。恐學者畫于此也。人之
所以為人者，從分隨時應物酌事，其用大矣。其變廣
矣。豈言語所能盡哉。仁人也。更又何解之為。

禮

愚嘗謂天地者一理也，世界者一性也。便仁義禮智
者人物之性情，而世間之道理而在。我在彼，無內無
外，莫不有焉矣。然之言之，人之性猶牛之性，牛之性
猶馬之性也。別之言之，天之與地，人之與物，性不

得不自殊也。人猶聖凡殊之，况乎牛馬然。而孟告之
論執偏抗之內外以爭，以故反覆辨論終不見孰是
夫五常之具於性，本自天來。是以朱子釋禮言天理
之節文，人事之儀則。此解盡焉。然伊子言尊卑上下
等威分明不少，踰越以此解之，是舍天理而獨取人
事已抑偏矣。亦以外之也。物子便駁之言，其舍先王
之禮而為是言，豈勝宋儒上之乎。且其言但以外
者言之，而不與孟子恭敬辭讓之心相應。亦自與其
以為德者相齟。此駁思是也。然猶其說曰：禮者道之
名也。先王所制作，四教六藝是居其一。所謂經禮三

百威儀三千是其物也書曰天秩有禮是堯舜之制
禮奉天道以行之所以神其教也後儒不知其意而
以為天者自然也謂自然者是禮也是天理節文之
所本殊不知以天為自然者老莊之意而古所無焉
若果使自然有之則如三代殊其禮其謂之何愚謂
此說非也夫天之為體自然有日月星辰之貴賤之
在而日星之運又自然有布陳順序之前後之在而
万物之生出乎斯運動之天焉則禮本在乎我也必
矣聖人率之裁制之己其在我也乃禮曰其在我也
如竹箭之有筠也如松柏之有心也其為天理也乃

禮曰天道至教聖人至德君在阼夫人在房大明生
東月生於西此陰陽之分夫婦之位也又曰人者天
地之心也五行之端也食味別被色而生者也故聖
人作則必以天地為本以陰陽為端其他考今所存
之禮之意莫弗悉順天理三百之經三千之曲蓋舉
出乎天理而為人儀也三代殊之者從時損益以義
起之猶有四時之變其所由一己莫不為天理也物
子徒見先王所起之禮為禮而不見所起之禮原出
天之自然而有之於性焉惜哉禮又云從宜從俗若
以漢土先王所起之禮限之不得通之於世界万世

禮漢土先生之所制
作固限於漢土也仁
義禮智者漢土之言也

決非為他方言之仁義
若漢土之仁義而非若
方固有之仁義也吾方
前聖因民心必有之性而
假彼教此雖禮雖智
皆然彼之所為仁彼
之所為智所為仁義
若禮也雖仁智義之
義禮也雖仁智義之
三件全有於心上臨機應
變於行事上則效之或
似矣唯禮之節吾方自
古有規制彼教固不可以
施此然而論及心理則
亦唯與仁智同耳

界風俗人情之異何限乃從其方從其土而聖人生
其間從其俗從其宜而制之禮雖其儀殊雖其則異
然其所由出于天子性者一也書曰天秩有典是所
謂天理之節文曰序我有禮是所謂人事之儀則愚
故言朱說盡焉
事死如事生漢土之祭一皆奉牲者事生之誠以饗
之也雖然乎禮曰禮之近人情者非其至者也郊血
大饗腥三獻爛一獻孰由此觀之祭不必用牲亦可
也以此推之先王制禮從其邦俗而為之可見焉然
而佛者或言好生者天之德然儒以殺事之何其戾

之愚謂是未知其當殺而殺事生之誠以饗之之義
所在也若以戾論之佛初絕人道豈不亦戾天好生
之德歟然亦真絕而絕絕此而生彼是蓋佛意儒亦
宜殺而殺義各有所在或問然則此方儒者亦殺以
事之可耶曰否所謂禮從宜使從俗以死事之我後
世之俗儒者奚必用殺之為禮曰勿不敬又曰誠若
且子不言乎禮云禮云玉帛云乎人為誠敬以事以
死亦可以生亦可此儒道爾我儒奚必用殺

樂

孔子曰立於禮成於樂樂也者蓋教道之極其廢可

勝嘆哉今夫聞簫竿之聲雖我未解其何意然不得
不心自爽情自清者有不唯此而已雖散樂之音梵
唄之聲亦然且如俗間所用箏與三絃箏則自靜絃
則極躁便使聽者之心從自然有別古樂可想矣古
人言樂者樂也後儒言樂只是和雖乃亡其教其理
存焉則小之而身大之而國從政者最不可不察也
今之樂由古之樂孟子亦唯取其意耳韶護桑濮豈
實同乎今三絃之淫嘔比之古之鄭聲蓋又更淫之
尤淫者宜尤遠也然其盛行蚩々之民以此散鬱以
此生和其用亦廣矣夫小人間居為不善莫所不至

不有博奕者乎為之愈已凡人飽暖閑居不生事者
鮮矣然而世或從政者一槩論之一切禁之以大失
民和不亦謬乎失和則失民失民則失天傷和而物
不育有焉不可不察也且夫雖善美之韶云用之乎
民則諺所謂馬耳念佛不如使擇辭之較雅而易入
耳者而歌之而聽之也昔者子游用樂於武城之民
子笑之曰割雞何用牛刀是也然終為戲者以其言
之善爾其實猶牛刀也非戲也嗚呼樂教之不復須
取其和而已雖淫絃乎雖嘔曲乎何如可一切停止
焉但至里巷之謠三歲嬰兒亦能口之庶幾可使之

較雅然後世不雅之甚中菁不可讀之言多是也移
風易俗事殊理同亦可不察及也哉

鬼神

天神地祇山有神焉川有神焉于火于風於門於戶
有物隨即有乃至便廁糞壤所莫不在焉是以天子
祭天地諸侯祭山川大夫士之五祀庶人之家廟莫
乃不祀也豆瘡麻疹古無之則無矣有則從憑焉且
精爽奇特之人化而為神究憤鬱結之人死而為厲
鬱結之鬼有時易散精爽之神久而益凝物亦或久
而鬼神為變善神惡魔有貴有賤其數何限其實亦

不可得而測也是以聖人敬之而畏之而以祭以祀
要以其不可思議爾陰陽造化不可得而測之妙亦
謂之神乃宋儒只以此為說言造化之迹二氣之能
如偏以此推之其究乃至霜露之墜風雨之至人之
寤寐花之開落亦以為神嗟夫天地間何物不陰陽
只以此擬之雖我亦神爾以此論之鬼神人物將何
別之見易所謂精氣為物游魂為變故知鬼神之情
狀是蓋指人物之變不可得而測者言之禮所謂人
者陰陽之交鬼神之會是亦就人心之靈不可思議
所而論焉風霜之變草木之化此則鬼神之妙用豈

直謂之神可乎古學者言天地山川宗廟五祀及一切有神靈能為人禍福者謂之神以駁宋儒陰陽之說遂併古書所論陰陽鬼神之說為不足依而或至疑中庸殊不知雖祭天地雖祭山川莫不灌燎以索之陰陽然而他舍之為是說可謂知一不知二者也孔子曰敬而遠之遠之者敬之至敬之至者以不可思議也又曰未能事人焉能事鬼亦以不可測也不可祭之祭謂之非類曰非其鬼而祭之誦也亦遠之也恐瀆之也所謂祭如在者言可祭之外神神如在者言其祖先之神鬼神之德盛矣乎謂天神之明莫

不照神之格不可測謂人鬼之靈莫誠不感其如是奈何一偏論之我故曰知一不知二者也

讀書不求甚解

人之讀書將求甚解邪將不求甚解邪果不可求也求焉則鑿矣於道無益也噫聖經火于秦後存全者蓋易一本而已孟軻氏曰盡信書不如無書周末既然况乎後世辭之詰屈未足證真文之順易局必知為放勳為彌重華為名首范于古大麓之麓不迷之迷不也于今豈可悉求甚解乎哉春秋書日食不失日則月數字間猶如是脫字錯簡他從可知亦何悉

求解禮之集於漢儒蓋存古者雖有寡焉甚解焉求
 世言詩存之諷詠所以存之也然而何彼穠矣涉疑
 中之一且騶虞為獸形管為器不可解者固多亦曷
 悉解凡讀古書取可解而疑者闕焉是讀書之法夫
 子史闕之嘆以是也然宋儒求甚解之甚或至筆削
 古經胡不憚之甚嗣後之人亦復求之之甚考證穿
 鑿簡髮梳之考證不可闕要學者之餘事於道如何
 哉輒近我儒亦似齷齪夫人之讀書收之於行而已
 取可解足甚解果不可求也

靜軒一家言卷之一終

屈齋三木長權校字

靜軒寺門先生著述目錄

讀書

讀詩

讀易

讀禮

讀春秋

讀學庸

詩鈔

文鈔

以上逐次副刻

天保八年酉十月刻成

精陳	精陳	精陳	精陳
精陳	精陳	精陳	精陳
精陳	精陳	精陳	精陳
精陳	精陳	精陳	精陳

